



UNIVERSITÄTS-  
BIBLIOTHEK  
PADERBORN

**Conciones siue Conceptvs Theologici Ac Prædicabiles R.  
D. Petro Bessæi SS Theol. Doct. Reg. Galliar. Oratoris**

**Besse, Pierre de**

**Coloniae Agrippinae, A. M.DC.XXIX**

Reuerendo & Doctißimo Domino, Petro De Besse, SS. Theologiæ Doctori  
Parisiensi, Regi Christianissimo Galliarum a Concionibus, Joannes Kinckius  
Bibliopola Coloniensis.

---

---

**Nutzungsbedingungen**

[urn:nbn:de:hbz:466:1-56232](https://nbn-resolving.org/urn:nbn:de:hbz:466:1-56232)

Reuerendo & Doctissimo Domino,

PETRO DE BESSE,  
SS. THEOLOGIAE DOCTORI  
Parisiensi, Regi Christianissimo Gal-  
liarum à Concionibus,

Joannes Kinckius Bibliopola Colonienfis.

**L**umina ad locum vnde exeunt, reuerti, vt iterum Ecclef. 1.  
fluant, Sapientis elogium est. & mirum cuiquam vi-  
deri poterit, si ego hæc sacra eruditionis & sapientiæ  
fluente ad fontem suum reducam, vt deinceps tantò  
fluant vberius? Testis est Europa, & Orbis, quàm læta, laborum,  
& Librorum scaturigine, quàm diuite eloquij venâ, & ora & pe-  
ctora multorum hætenus irrigaueris. Gallia inprimis, quæ  
natio seu loquentem seu scribentem idioma BESSEVM  
velut Tullium aliquem audit, legit, obstupescit. Eloquentiæ  
& doctrinæ famam, mox nationes aliæ, & inprimis Germania  
Doctõrũ cultrix & admiratrix, excepit; quin & Latinè, nec non  
Germanicè te loqui & intelligi voluit, vt tam gratus Sapientiæ  
& Eloquentiæ gustus ad plures dimanaret. Tentatum hoc à  
multis cessit feliciter, pluribus profuit, plurimis placuit; & quod  
alias mirum, rarumque, ipsi etiam Auctori, rara quidem illa In-  
terpretum felicitas, aut dexteritas; ad amussim adsequi Scripto-  
ris mentem, & sensum exprimere; attamen talem tu nactus es,  
vt, vel te ipso Iudice, non potuerit esse diligentior neq; eloquen-  
tior. Id sanè testantur tuæ ad me litteræ amoris ac beneuolen-  
tiæ plenissimæ, cuius hæc verba sunt: *Magnam inde percepit le-  
titiam, Authoris laudavi industriam, magni feci doctrinam, suspexi in-  
genium, probavi versionem, sed præ cæteris in eloquendo facilitatem,  
& felicitatem sum miratus.*

Dum itaque Interpretis industriam, & meos conatus ad eò  
‡ 2 Tibi,

EPIST. DEDICATORIA.

Tibi, imò Doctis omnibus probari viderem, nouam Operum tuorum editionem moliri cepi, quam nunc pro voto consummatam, Tibi offero, ac consecro, vt riuus fontem, partus parentem suum repetant. de affectu tuo dubitare non sinit, cognita mihi iam pridem humanitas & beneuolentia tua, qua vt porrò me, meoque conatus complecti non desinas; quin &, vt sapientia tuae fluentis orbem irrigare identidem pergas, quoad ætas cum laude prouecta, concesserit, obnixè & ex animo voueo. In nouo interim quadragesimali, nouis conceptibus pleno desudat interpres, & breui Deo annuente in lucem prodibit. Colonia ipso Sancti Matthiæ Apostoli, Anno M. DC. XXIX.

EX LITTERIS REVERENDI D. PETRI BESSÆI, QUIBUS  
laudat Interpretem suarum Concionum, & easdem sibi inscriptas.

Ioanni Kinckio Senatori & Bibliopola liberæ Imp. Ciuitatis Colonienfis.

**S**ed aliud est, quod memorem, quo etiam te laudem, quod nempe liberos ipsi parenti, fructus arbori, effectus causa, riuulos origini, ipsum opus Authori, mihi que meos Conceptus, nouo sed nobilitati habitu, obtuleris, commendaris, dedicaris, beneuoli tui in me animi signum certissimum, laudum tuarum monumentum sempiternum. Quod retribuam nihil occurrit, qua optem se se offerunt quamplurima, vnumque imprimis, vt scilicet tantu tibi sint opera tua, quanta fuerunt Bibliopola nostro Parisiensi sua utilitati. Vigestes credo, & sepius ille conceptus nostros prolo subiecit, & immutabili semper precio diuendendos curauit. Quid dicam? fauit fortuna, cali benignitas tulit, vita morumque integritas effecit, (est enim vir probus admodum) vt ditissimus omnium penè Typographorum euaserit Lutetia, imo toti regno suspiciendus, Idem tibi bonis auspicijs, & opto, & si ausim, polliceor. Interim noua mediter, breuique excudenda citoque tibi deferenda curabo; Alios & sapientiores in Quadragesimam Conceptu paratos habeo, sed qua prae manibus, quæq; bono publico non parum utilia spero prius proferenda, & in lucem edenda existimaui. Ita crede, sic spera, & me tibi addictissimum, tuque, seu per nominis memorem & cultorem scito sempiternum. Vale, Lutetia Parisiorum, &c. Meo velim nomine latina versionis Authorem eruditissimum & eloquentissimum saluta.

Tuus  
PETRVS de BESSE  
Doctor Parisiensis.

MAT.